

Yesus dibaptis lalu di Ibalis nyobai'

Yesus dibaptiskan dan kemudian dicobai oleh Iblis



Yesus dibaptis lalu di
Ibalis nyobai'

Yesus dibaptiskan
dan kemudian dicobai
oleh Iblis

Ahe (Kanayatn)
Kalimantan Barat, Indonesia

Copyright © 2017, Kartidaya



<http://creativecommons.org/licenses/by-nc/4.0/>

Anda tidak boleh menggunakan karya ini untuk keperluan komersial. Anda dapat menyesuaikan dan menambahkan ke karya ini. Anda harus menghargai hak cipta dan pengakuan untuk para penulis, ilustrator, dsb.

Berdasarkan karya asli yang tidak mempunyai pernyataan hak cipta.

English Scriptures quoted are from the NIV Bible © 2011 published by the Biblica Inc. Used with permission.



Tagal koa Yohanes ampus ka' sigana abut nang ka' sunge' Yordan man nyampeatn barita mpat ka' Tuhan Allah. Yohanes nyampeatn lea nian, “Badiapm kita' batabiat nang jahat man uga' dibaptis, jaji tandahatn kade' kita' dah mulakng ka' Tuhan Allah. Supaya Tuhan Allah ngamponia' tabiat kita' nang jahat.”

Lukas 3:3



Manyak urakng atakng ka' Yohanes untu' dibaptis. Yohanes bakata ka' ia ka' koa, "Kita' urakng nang batabiat jahat lea ular! Sae nang bakata kade' kita' lapasa' dari ukuman Tuhan Allah nang ataknga'? Tojokatn boh man kalakuannyu kade' kao dah mulakng ka' Tuhan Allah! Ame kita' bapikir tagal Abraham ene' uyutnyu, kita' lapasa' dari ukuman. Ingat: Man batu-batu nian uga' Tuhan Allah baya manjawat katurunan untu' Abraham!

Lukas 3:7-8



Panagih-panagih pajak uga' atakng ka' Yohanes untu' dibaptis. Ia ka' koa batanya!. “Pa' Guru, ahe nang arus kami panjawat?”


Yohanes nyahut, “Ame nagih balabih dari ahe nang dah dinatapatn.”

Lukas 3:12-13




Ari koa urakng-urakng mulai' batanya'-tanya' ahe ge'
Yohanes koa Raja Panyalamat nang dinya ka' koa
ngantiatn man nang dinya ka' koa ngarapatn.

Lukas 3:15



Koa tagalnya Yohanes bakata ka' ia ka' koa, “Aku maptis kita' man ai', tapi na'e ataknga' Urakng nang miah bakoasa dari pada aku. Muka' tali sipatu-Nya pun aku ina' pantas. Ia maptisa' kita' man Roh Tuhan Allah man api.

Lukas 3:16



Sanape' Yohanes di minjara ia maptis banyak urakng,
Yesus uga' dibaptis...

Lukas 3:21



...man taka' Yesus gi' badoa, langit tabuka'. Roh Tuhan Allah turutn ka' atas-Nya lea burukng dara,

Lukas 3:21-22




man uga' kadangaratn suara Tuhan Allah mpat ka' langit ngataatn, “Kao ihan Anak-Ku nang Kungasihil. Kao nang marepo ati-Ku.”

Lukas 3:22




Yesus dinguasai! Roh Tuhan Allah lalu Ia ningalatin Sunge! Yordan. Roh Tuhan Allah ngincakng Yesus ka! padang pasir. Ka! di'koa Ibalis raja setan-setan nyobai! Yesus ampat puluh ari lamanya.

Lukas 4:1-2




Salama koa Ia ina' makatn ahe-ahe. Jaji dah laka' ampat puluh ari koa Ia miah tarasa kaparatn.

Lukas 4:2



Taka' koa Ibalis da' bakata, “Kade' Kita' Anak Allah suruhlah batu nian jaji roti.”

Lukas 4:3



Yesus nyahuti'nya, “Ka' dalapm Kitab Suci ada taconteng, ‘Ina'nya man roti maan talino idup.’”

Lukas 4:4



Laka' koa Ibalis ngincakng Yesus ka' tempat nang miah tingi, man sakajap mata Ibalis nojokatn ka' Yesus sigana pamarentahan nang ada ka' dunia.

Lukas 4:5




Jakarta Ibalis koa, “Ku bareatna' sigana pamarentahan man kakayaatn nian ka' Kita'. Jukut sigana pamarentahan nian dah dinyarahatn ka' aku, man tasarah aku ka' saea' maan aku mao' mare'atnnya. Jaji tagal koa sigananya nian Kita' ngampua'nya, kade' Kita' nyambah ka' aku.”

Lukas 4:6-7




Jakarta Yesus nyahuti'nya, “Ka' dalapm Kitab Suci ada taconteng, ‘Kao arus nyambah Tuhan Allahnyu, jukut ka' Tuhan Allahnyu ihan kao pantas nyambah.’”

Lukas 4:8




Laka' koa Ibalis ngincakng Yesus ka' Yerusalem, ia nampatatn Yesus ka' atas pamumukng Rumah Kudus Tuhan Allah sirage bakata, “Kade' Kita' Anak Allah jantu'atnlah diri'-Kita' ka' babah naun.

Lukas 4:9



Jukut ka' dalapm Kitab Suci ada taconteng, 'Allah nyuruha' malaekat-malaekat-Nya nyaga Kita' edo'-edo'. Man uga', 'malaekat-malaekat-Nya koa nyamutia' Kita' man kokotnya biar paha-Kita' ina' tarantak ka' batu.'"

Lukas 4:10-11



Sahut Yesus, “Ka' dalapm Kitab Suci ada taconteng,
'Ame nyobai Tuhan, Allahnyu.’”

Lukas 4:12



Dah laka' Ibalis nyobai' Yesus make sigana cara, ia ningalatn Yesus sambil ngantiatn ari nang tapat.

Lukas 4:13

Kamus

Baptis –Baptis ka' dian, kade' urakng koa dah baranti batabiat jahat man pangamponan mpat ka' Tuhan Allah urakng koa dibaptis. Cara Yohanes pamaptis maptis urakng, ia koa disalaman ka'dalapr ai' (Markus 1:4). Dibaptis koa ugak tandahatn kade' urakng koa anggota umat Allah.

Batobat - Iakoa baranti batabiat nang jahat man mulakng ka' Tuhan Allah. Urakng nang mao di Tuhan Allah tarima, urakng koa arus di amponi' man arus batobat. Yohanes Pamaptis maptis urakng tandahan kade' urakng-urakng ka' koa dah baranti batabiat jahat.

Ibalis – Pamimpin nang paling tingi dari setan man roh-roh jahat. Ia koa ular nang ngoda Hawa makatn buah puhutn pamane nang baik man nang jahat (Kejadian 3:1-6). Laka' koa, tujuannya ngalawan Tuhan Allah man nyasatatn urakng sampe badosa. Man ngarusakatn ubungan manunsia man Tuhan Allah.

Kitab Suci - Pakataatn Tuhan Allah, pakataatn nang kaluas mpat ka' molot Tuhan Allah. Kitab Suci uga' disabut pakataatn Tuhan Allah jukut samuannya koa mpat ka' Tuhan Allah.

Malaekat – Pasuruh Tuhan nang ka' saruga nang di Tuhan make untu' nyampeatn pasatn-Nya ka' talino.

Nyambah - Madahatn kahormatan man kapatuhatn ka' urakng atau dewa. Ada manyak macam cara nyambah, ka' antaranya basujud, nunu korban, ngarenyahatn pujian, atau nyampeatn adiah atau pamareatn khusus.

Padang pasir – Abut nang karikng,man babukit-bukit. Ai'man rumput miah sabebet ka' naun. Ina ada urakng nang badiamp natap ka' naun, kahe mpa koa nda sangahe urakng tokoh Alkitab nang badiamp samintara ka' naun. Bangsa Israel maranto ka' padang pasir salama 40 tahun, man Daud nariantn diri'ka naun taka Raja Saul mao munuhnya.

Panagih pajak – Ka' jaman Yesus, panagih pajak koa urakng Yahudi nang bakaraja mungut duit pajak untu' pamarentah karajaan urakng Roma. Ia ka' koa kaja mungut labih dari nang dinantuatn, tagal koa ia ka' koa ina' disukai' sesamanya urakng Yahudi.

Raja Panyalamat (Mesias) – Raja nang diyanjiatn Tuhan Allah nang ngalapasatna' man nyalamatatna' urakng. Dalampm bahasa Ibrani damanya “Mesias”, dalampm bahasa Yunani dinyabut “Kaistus”, rativitya “nang dilelehi' binyak ka' kapalanya supaya dilantik”. Nurut adat-istiadat Israel, koalah tanda urakng nang dipilih jaja' raja. Raja Panyalamat koa adalah Yesus (Matius 16:16; Markus 14:61-62; Kisah Para Rasul 2:36).

Roh Allah – Tuhan Allah, Ia koa uga' Apa', Anak, man Roh. Roh Allah, disabut uga' Roh Kudus, Rohnya Tuhan man Rohnya Yesus (Kisah para Rasul 16:7). Ia mempen, manto', man uga' mare' koasa ka' urakng-urakng nang picaya' ka' Tuhan Allah.

Rumah Kudus Tuhan Allah – Tempat pusat panyembahan urakng Yahudi ka' Tuhan Allah, tempatnya ka' kota Yerusalem. Kahe ka' naun hanya ia ka' koa mulih mare'atn korban ka' Tuhan Allah.

Sunge' Yordan – Sunge ai' ka' tanah Israel. Sumber ai' koa mpat ka' gunung Hermon, ngalir ngalintas ka' dano Galilea, tacurah ka Laut Mati.

Yerusalem – Ibukota urakng Israel sejak zaman Raja Daud. Salain pusat pamarentahan, kota koa uga' pusat panyembahan untu' urakng Yahudi, Jukut Rumah Tuhan Allah ada ka' naun.

